



Број/Број: 02/2-50-8-23-19/13

Сарајево/Sarajevo, 16.1. 2013.

Na osnovu člana 35. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 91/06 i 91/07), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH podnosi Domu naroda Parlamentarne skupštine BiH sljedeći

IZVJEŠTAJ O RADU

(za period od 1.1.2012. do 31.12.2012.)

I. OPĆE ODREDBE O KOMISIJI

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, kroz provođenje općih opredjeljenja određenih Ustavom BiH i Dejtonskim mirovnim sporazumom, te politikom koju je utvrdilo Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 27. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;

- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

Kako je predviđeno Odjeljkom D. (Opće odredbe o komisijama), članom 31. stav (1) Poslovnika Doma naroda Parlamentarne skupštine BiH: “Komisija nema više od šest članova. Preraspodjela mjesta mora biti srazmjerna klubovima naroda u Domu, od kojih su dvije trećine članova izabrane s teritorije Federacije BiH, a jedna trećina s teritorije Republike Srpske.”

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda u 2012. godini bili su: Hasan Bećirović, predsjedavajući Komisije, Stjepan Krešić, prvi zamjenik predsjedavajućeg, Staša Košarac, drugi zamjenik predsjedavajućeg, te Nermina Kapetanović, Borjana Krišto i Ognjen Tadić, članovi Komisije.

Sjednicu Komisije saziva predsjedavajući Komisije, u skladu s članom 38. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, s osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavе pitanje u vezi s materijalom o kojem se raspravlja.

Komisija je u izvještajnom periodu održala deset sjednica:

- 9. sjednica 31.1. 18 tačaka dnevnog reda
- 10. sjednica 29.2. 3 tačke dnevnog reda
- 11. sjednica 4.4. 28 tačaka dnevnog reda
- 12. sjednica 14.5. 13 tačaka dnevnog reda
- 13. sjednica 21.6. 12 tačaka dnevnog reda
- 14. sjednica 17.7. 8 tačaka dnevnog reda
- 15. sjednica 19.7. 2 tačke dnevnog reda
- 16. sjednica 19.10. 15 tačaka dnevnog reda
- 17. sjednica 15.11. 21 tačka dnevnog reda
- 18. sjednica 3.12. 13 tačaka dnevnog reda

Na sjednicama Komisije razmatrane su ukupno 133 tačke dnevnog reda, što je u prosjeku 13 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su dva državna službenika: sekretar Komisije (Nenad Pandurević) i stručni saradnik (Dobrinka Savić).

II. AKTIVNOSTI KOMISIJE

1. Prijedlozi zakona

U izvještajnom periodu Komisija je razmatrala dva prijedloga zakona, i to:

1. Prijedlog zakona o carinskoj tarifi, predlagač: Vijeće ministara BiH, i
2. Prijedlog zakona o izmjeni i dopunama Zakona o komunikacijama, predlagač: Vijeće ministara BiH.

Prilikom razmatranja u prvoj komisijskoj fazi za prijedloge zakona Komisija je pribavila mišljenja Direkcije za evropske integracije BiH, u skladu s članom 98. Poslovnika Doma naroda Parlamentarne skupštine BiH. Komisija je za prijedloge zakona blagovremeno dostavila mišljenja Domu naroda, a za sve prijedloge zakona razmatrane u drugoj komisijskoj fazi Domu naroda blagovremeno su dostavljeni izvještaji.

Za prijedloge zakona u drugoj komisijskoj fazi blagovremeno su obavljene sve aktivnosti u vezi s podnošenjem amandmana, počevši od prijema amandmana, usaglašavanja između podnosilaca, te usvajanja zakona u identičnom tekstu.

Oba prijedloga zakona usvojena su u Domu naroda i objavljena u Službenom glasniku BiH u 2012. godini.

Programom rada Vijeća ministara BiH za 2012., a koji je poslužio kao osnov za izradu Orijentacionog plana Komisije, bilo je predviđeno da u parlamentarnu proceduru bude upućeno ukupno 28 prijedloga zakona iz nadležnosti Komisije. Osim dva prijedloga zakona koje je Komisija razmatrala, Dom naroda je po hitnom postupku usvojio još Zakon o sistemu državne pomoći u Bosni i Hercegovini.

Međutim, u parlamentarnu proceduru u 2012. godini nisu dostavljeni, iako su Programom rada Vijeća ministara BiH bili predviđeni sljedeći prijedlozi zakona: *Prijedlog zakona o mjeriteljstvu Bosne i Hercegovine, Prijedlog zakona o obligacionim odnosima u civilnom zrakoplovstvu, Prijedlog zakona o putnim ispravama Bosne i Hercegovine, Prijedlog zakona o izmjeni i dopuni Zakona o zaštiti potrošača u BiH, Prijedlog zakona o izmjenama i dopunama Zakona o zaštiti novih sorti poljoprivrednog bilja, Prijedlog zakona o vinu Bosne i Hercegovine, Prijedlog zakona o javnim putevima BiH, Prijedlog zakona o međunarodnom i međuentitetskom drumskom prijevozu, Prijedlog zakona o Agenciji za razvoj informatičkog društva BiH, Prijedlog zakona o carinskoj politici Bosne i Hercegovine, Prijedlog zakona o carinskim prekršajima, Prijedlog zakona o tehničkim zahtjevima za proizvode i ocjenjivanju usklađenosti, Prijedlog zakona*

o međunarodnoj i međuentitetskoj unutrašnjoj plovidbi BiH, Prijedlog zakona o pomorskom dobru i pomorskoj plovidbi, Prijedlog zakona o izmjenama i dopunama Zakona o željeznicama BiH, Prijedlog zakona o organskoj proizvodnji u BiH, Prijedlog zakona o izmjenama i dopunama Zakona o poljoprivredi, ishrani i ruralnom razvoju, Prijedlog zakona o izmjenama i dopunama Zakona o Javnom RTV sistemu BiH, Prijedlog zakona o izmjenama i dopunama Zakona o Javnom RTV servisu BiH, Prijedlog zakona o RTV kanalu na hrvatskom jeziku, Prijedlog zakona o poštama Bosne i Hercegovine, Prijedlog zakona o elektronskim komunikacijama, Prijedlog zakona o postupku zaključivanja i izvršavanja međunarodnih ugovora, Prijedlog zakona o plinu, Prijedlog zakona o zaštiti okoliša u BiH i Prijedlog zakona o nedopuštenom oglašavanju.

2. Međunarodni sporazumi

U navedenom periodu razmatrano je ukupno 76 međunarodnih pravnih akata, od čega 75 radi davanja prijedloga Domu naroda za ratificiranje i u jednom slučaju radi otkazivanja (Konvencija o izdavanju krivaca, zaključena između Vijeća ministara BiH i Švicarske Konfederacije, potpisana 28.11.1887. godine):

1. Dodatak br. 1 na Finansijski sporazum koji se odnosi na Nacionalni program za Bosnu i Hercegovinu – Dio I., na osnovu IPA-ine pomoći u tranziciji i jačanju institucija za 2008. godinu;
2. Dodatak br. 2 na Sporazum o finansiranju u vezi s Nacionalnim programom za Bosnu i Hercegovinu – Dio II., u okviru IPA-ine komponente pomoći u tranziciji i izgradnji institucija za 2008. godinu;
3. Sporazum o zajmu i projektu između KfW-a, Frankfurt na Majni (KfW), i Bosne i Hercegovine, koju zastupa Ministarstvo finansija i trezora BiH (zajmoprimac) i Republike Srpske, koju zastupa Ministarstvo finansija Republike Srpske, i MH „ERS“ Trebinje ZP „Elektro Doboj“ a.d. Doboj (Agencija za izvršenje projekta) za iznos od 50.000.000,00 eura – projekat „Hidroelektrana Cijevna III.“;
4. Sporazum o finansiranju i projektu između KfW-a, Frankfurt na Majni (KfW), i Bosne i Hercegovine, koju zastupa Ministarstvo finansija i trezora BiH (primalac) i Republike Srpske, koju zastupa Ministarstvo finansija Republike Srpske, i MH „ERS“ Trebinje ZP „Elektro Doboj“ a.d. Doboj (Agencija za izvršenje projekta) za iznos od 5.390.000,00 eura – projekat „Hidroelektrana Cijevna III.“;
5. Dodatni sporazum o finansiranju na Sporazum o finansiranju i projektu, od 12.10.2009. godine, između KfW-a, Frankfurt na Majni (KfW), i Bosne i Hercegovine, koju zastupa Ministarstvo finansija i trezora BiH (primalac), kao i Republike Srpske, koju zastupa Ministarstvo finansija RS, i Grada Banja Luka (Agencija za izvršenje projekta) za iznos do 980.000 eura – projekat „Gradski sistemi vodosnabdijevanja i odvođenja otpadnih voda u Banjoj Luci – (komponente 1. „Vodosnabdijevanje“ i 2. „Sistemi za odvođenje otpadnih voda“),

6. Sporazum između FIFA-e (Fédération Internationale de Football Association), UEFA-e (Union des Associations Européennes de Football) i Vijeća ministara Bosne i Hercegovine, Ministarstva finansija i trezora BiH, i Fudbalskog saveza Bosne i Hercegovine, u vezi s Projektom izgradnje Centra za obuku u fudbalu Fudbalskog saveza BiH (FSBiH) u Zenici, koji treba da zajedno finansiraju FIFA i UEFA;
7. Međunarodna konvencija o harmoniziranom sistemu naziva i šifarskih oznaka robe i Protokola o izmjeni i dopuni Međunarodne konvencije o harmoniziranom sistemu naziva i šifarskih oznaka robe;
8. Sporazum između Vijeća ministara Bosne i Hercegovine i Vlade Republike Hrvatske o izgradnji međudržavnog mosta preko rijeke Save kod Gradiške i priključnih graničnih dionica međudržavnog puta E-661;
9. Sporazum između Vijeća ministara Bosne i Hercegovine i Vlade Republike Hrvatske o izgradnji južnih graničnih dionica Autoputa na Koridoru 5c;
10. Sporazum između Vijeća ministara Bosne i Hercegovine i Vlade Republike Slovenije o saradnji u zaštiti od prirodnih i civilizacijskih katastrofa;
11. Ugovor između Švicarske Konfederacije i Republike Austrije o osnivanju i radu Međunarodnog centra za razvoj migracione politike (ICMPD) u Beču, od 1.6.1993.;
12. Sporazum o uzajamnoj zaštiti tajnih podataka između Vijeća ministara Bosne i Hercegovine i Vlade Crne Gore;
13. Sporazum o finansiranju između Bosne i Hercegovine i Evropske komisije u vezi s prekograničnim programom Hrvatska – Bosna i Hercegovina u okviru IPA-ine komponente prekogranične saradnje za 2010. godinu;
14. Dopuna Finansijskog sporazuma između Bosne i Hercegovine i Evropske komisije u pogledu prekograničnog programa Hrvatska – Bosna i Hercegovina u okviru IPA-ine komponente prekogranične saradnje za 2008. godinu;
15. Dopuna Finansijskog sporazuma između Bosne i Hercegovine i Evropske komisije u pogledu prekograničnog programa Bosna i Hercegovina – Crna Gora u okviru IPA-ine komponente prekogranične saradnje za 2008. godinu;
16. Dopuna Finansijskog sporazuma između Bosne i Hercegovine i Evropske komisije u pogledu prekograničnog programa Bosna i Hercegovina – Srbija u okviru IPA-ine komponente prekogranične saradnje za 2008. godinu;
17. Sporazum o finansiranju između Bosne i Hercegovine i Evropske komisije u vezi s prekograničnim programom Bosna i Hercegovina – Srbija u okviru IPA-ine komponente prekogranične saradnje za 2010. godinu;
18. Sporazum o finansiranju između Bosne i Hercegovine i Evropske komisije u vezi s prekograničnim programom Bosna i Hercegovina – Crna Gora u okviru IPA-ine komponente prekogranične saradnje za 2010. godinu;
19. Sporazum o grantu u sklopu Državnog programa IPA 2009. za Bosnu i Hercegovinu – Poboljšanje infrastrukture regionalne osnovne transportne mreže u BiH – željeznički transport – između Bosne i Hercegovine i Evropske investicione banke;

20. Sporazum o kreditu između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG – projekat „Izgradnja kanalizacije i vodosnabdijevanja u općini Čelić“;
21. Ugovor o finansiranju između Bosne i Hercegovine i Republike Srpske i Evropske investicione banke – Hitna pomoć u slučaju poplave i prevencija – A;
22. Ugovor o kreditu, finansiranju i projektu između KfW-a, Frankfurt na Majni, i Bosne i Hercegovine, koju zastupa Ministarstvo finansija i trezora BiH (zajmoprimac), i Federacije Bosne i Hercegovine, koju zastupa Federalno ministarstvo finansija, i Republike Srpske, koju zastupa Ministarstvo finansija Republike Srpske, i JP Elektroprivreda BiH d.d. Sarajevo (EP BiH), i JP Elektroprivreda Hrvatske zajednice Herceg-Bosne d.d. Mostar (EP HZHB) i JP Elektroprivreda Republike Srpske d.d. Trebinje (EP RS) za 17.000.000,00 eura – SCADA/DMS/OMS/na distributivnom nivou;
23. Memorandum o razumijevanju između Vijeća ministara Bosne i Hercegovine i Vlade Lihtenštajna o uspostavljanju migracionog partnerstva između Bosne i Hercegovine i Lihtenštajna;
24. Dopuna Finansijskog sporazuma između Bosne i Hercegovine i Evropske komisije u vezi s programom finansiranja učešća Bosne i Hercegovine u ERDF transnacionalnim programima Evropske teritorijalne saradnje „Jugoistočna Evropa“ i „Mediteran“ u okviru IPA-ine komponente prekogranične saradnje za 2008. godinu;
25. Dopuna Finansijskog sporazuma Horizontalnog programa o nuklearnoj sigurnosti i zaštiti od zračenja u okviru Instrumenta pretprijetne pomoći za 2008. godinu, zaključenog između Komisije Evropskih zajednica i Bosne i Hercegovine, 28.7.2009.;
26. Amandman br. 1 na Ugovor o finansiranju, sklopljen između Bosne i Hercegovine i Evropske investicione banke 26.11.2009. u Sarajevu – kredit IRBRS-a za mala i srednja preduzeća (FI 25.254);
27. Memoranduma o razumijevanju između Ministarstva komunikacija i prometa Bosne i Hercegovine, Ministarstva prometa, pomorstva i telekomunikacija Crne Gore i Ministarstva javnih radova i transporta Republike Albanije za rekonstrukciju i modernizaciju puta Sarajevo - Podgorica - Tirana (R2b);
28. Razmatranje davanja saglasnosti za ratificiranje Sporazuma o Centru za sigurnosnu saradnju – RACVIAC;
29. Protokol između Vijeća ministara BiH i Vlade Republike Bugarske o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole;
30. Tehnički aranžman između Vijeća ministara BiH i State Departmenta Sjedinjenih Američkih Država za pomoć u uništenju lakog naoružanja/lakog oružja, te raznih vrsta municije;
31. Konvencija Vijeća Evrope o kontaktu koji se tiče djece (ETS 192), sačinjene u Strazburu, 15.5.2003.;
32. Konvencija Vijeća Evrope o zaštiti djece od seksualnog iskorištavanja i seksualne zloupotrebe (ETS 201), sačinjene u Lanzarotu, 25.10.2007.;

33. Konvencija o međunarodnom ostvarivanju prava za izdržavanje djeteta i drugim oblicima izdržavanja porodice, sačinjena u Hagu, 23.11.2007.;
34. Ugovor o zajmu (Projekat gradskih saobraćajnica Sarajevo) između Bosne i Hercegovine i Evropske banke za obnovu i razvoj;
35. Finansijski ugovor pilot-programa za očuvanje i restauraciju kulturnog naslijeđa u područjima sukoba na Zapadnom Balkanu za 2008. godinu između Bosne i Hercegovine i Evropske komisije;
36. Amandman na Sporazum, od 15.12.2011., u vezi sa Sporazumom o zajmu i projektu, od 23.2.2010., za 71.000.000,00 eura, između KfW-a, Frankfurt na Majni (KfW), i Bosne i Hercegovine, koju zastupa Ministarstvo finansija i trezora BiH (zajmoprimac), i Federacije Bosne i Hercegovine, koju zastupa Federalno ministarstvo finansija, i Javnog poduzeća „Elektroprivreda Hrvatske zajednice Herceg-Bosne“, d.d. Mostar (EP HZHB) (agencija za izvršenje projekta) – vjetropark Mesihovina;
37. Sporazum o readmisiji između Vijeća ministara Bosne i Hercegovine i Vlade Republike Turske;
38. Ugovor između Vijeća ministara Bosne i Hercegovine i Vlade Republike Makedonije o veterinarskoj saradnji;
39. Sporazum između Bosne i Hercegovine i Republike Slovačke o međunarodnom drumskom prijevozu putnika i tereta;
40. Dopuna broj 2 Sporazuma o finansiranju u vezi s Državnim programom za Bosnu i Hercegovinu na osnovu IPA-e – Pomoć u tranziciji i komponenta jačanja institucija za 2007. godinu;
41. Dopuna broj 3 Sporazuma o finansiranju u vezi s Državnim programom za Bosnu i Hercegovinu na osnovu IPA-e – Pomoć u tranziciji i komponenta jačanja institucija za 2007. godinu;
42. Ugovor o zajmu između Bosne i Hercegovine i Evropske banke za obnovu i razvoj – Projekat obilaznice Brčko;
43. Aneks III. Sporazuma između Bosne i Hercegovine i Kraljevine Norveške o finansiranju projekata u korist pravosuđa i/ili sudova i tužilaštava u Bosni i Hercegovini;
44. Sporazum između Bosne i Hercegovine i Republike Srbije o uzajamnom zastupanju u pružanju konzularne zaštite i usluga u trećim zemljama;
45. Memorandum o pravnim i sudskim garancijama protiv nezakonite obrade ličnih podataka;
46. Sporazum o konverziji duga, sklopljen između KfW-a, Frankfurt na Majni (KfW), i Bosne i Hercegovine, koju zastupa Ministarstvo finansija i trezora (zajmoprimac), kao i Federacije Bosne i Hercegovine, koju zastupa Federalno ministarstvo finansija, i Republike Srpske, koju zastupa Ministarstvo finansija RS, za 12.821.343,85 eura – „Konverzija duga 3“;
47. Sporazum o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Bank International AG – projekat „Modernizacija Univerziteta u Banjoj Luci“;

48. Sporazum o zajmu – faza III. Projekta modernizacije bolnica u Bosni i Hercegovini između Vijeća ministara Bosne i Hercegovine i Vlade Republike Srpske i Izvozno-uvozne banke Koreje (Vladine agencije za EDCF);
49. Aranžman između Vijeća ministara Bosne i Hercegovine i Vlade Republike Koreje u vezi sa zajmom iz Fonda za ekonomsku razvojnu saradnju za fazu III. Projekta modernizacije bolnica;
50. Ugovor o zajmu (Projekat vodosnabdijevanja Čapljine) između Bosne i Hercegovine i Evropske banke za obnovu i razvoj;
51. Ugovor o garanciji (koji se odnosi na Ugovor o zajmu za put od Banje Luke do Doboja – faza 1 Projekta) između Bosne i Hercegovine i Evropske banke za obnovu i razvoj;
52. Sporazum o finansiranju između Bosne i Hercegovine i Evropske komisije u vezi s horizontalnim programom nuklearne sigurnosti i zaštite od radijacije u okviru Instrumenta pretpristupne pomoći za 2009. godinu;
53. Konvencija Ekonomske komisije Ujedinjenih naroda za Evropu (UNECE) o prekograničnim efektima industrijskih havarija;
54. Sporazum između Vijeća ministara Bosne i Hercegovine i Vlade Republike Srbije o plovidbi plovnim putevima na unutrašnjim vodama i njihovom tehničkom održavanju;
55. Sporazum između Vijeća ministara Bosne i Hercegovine i Vlade Republike Moldavije o saradnji u borbi protiv organiziranog kriminala, nezakonite trgovine opojnim drogama i psihotropnim supstancama, terorizma, kao i drugih vrsta teškog kriminala;
56. Memorandum o razumijevanju o saradnji i podršci u vezi sa Sekretarijatom Konvencije o policijskoj saradnji za jugoistočnu Evropu, od 21.5.2010.;
57. Protokol o izmjenama i dopunama Bečke konvencije o građanskoj odgovornosti za nuklearnu štetu, broj: 01,02;
58. Amandman I. na Posebni ugovor o finansiranju između Bosne i Hercegovine i KfW-a za Kreditni garantni fond III. (CGF III.) za promoviranje mikro, malih i srednjih preduzeća;
59. Kreditni sporazum za Projekat obnove stambenih jedinica za raseljena lica u Bosni i Hercegovini između Bosne i Hercegovine i Saudijskog fonda za razvoj;
60. Sporazum o finansiranju između Bosne i Hercegovine i Evropske komisije koji se odnosi na Nacionalni program za 2011. godinu u okviru Instrumenta pretpristupne pomoći;
61. Sporazum o finansiranju između Bosne i Hercegovine i Evropske komisije u vezi s višekorisničkim programom za Tempus u sklopu IPA-ine komponente pomoći u tranziciji i izgradnji institucija za 2011. godinu;
62. Amandman br. 1 na Ugovor o finansiranju između Bosne i Hercegovine i Evropske investicione banke, zaključen 7.8.2006. u Sarajevu i 5.9.2006. godine u Luksemburgu – Projekat rehabilitacije puteva u Republici Srpskoj;
63. Lisabonski sporazum o zaštiti oznaka porijekla i njihovom međunarodnom registriranju, od 31.10.1958., izmijenjen u Štokholmu 14.7.1967., i s amandmanima od 28.9.1979.;

64. Madridski sporazum o suzbijanju lažnih i prevarnih oznaka porijekla na proizvodima, zaključenog u Madridu 14.4.1891., revidiranog u Vašingtonu 2.6.1911., u Hagu 6.11.1925., u Londonu 2.6.1934. i u Lisabonu 31.10.1958.;
65. Ugovor o pravnom statusu Regionalnog centra za zaštitu životne sredine za srednju i istočnu Evropu;
66. Sporazum o uspostavljanju funkcionalnog bloka zračnog prostora centralne Evrope;
67. Sporazumi između Vijeća ministara BiH i Vlade Kraljevine Švedske o policijskoj saradnji;
68. Sporazum između Bosne i Hercegovine i Međunarodne agencije za atomsku energiju o primjeni zaštitnih mjera u vezi s Ugovorom o neširenju nuklearnog oružja;
69. Izmjene i dopune Statuta Međunarodne agencije za atomsku energiju (IAEA);
70. Dodatni protokol uz Sporazum između Bosne i Hercegovine i Međunarodne agencije za atomsku energiju o primjeni zaštitnih mjera u vezi s Ugovorom o neširenju nuklearnog oružja;
71. Konvencija o izdavanju krivaca, zaključena između Vijeća ministara BiH i Švicarske Konfederacije, potpisana 28.11.1887.;
72. Amandman br. 1 na Ugovor o finansiranju, sklopljen između Bosne i Hercegovine i Evropske investicione banke 26.3.2007. u Sarajevu – Sanacija puteva u Federaciji BiH (FI23.924);
73. Ugovor o finansiranju između Bosne i Hercegovine i Evropske investicione banke – Koridor 5c – druga faza;
74. Sporazum o uspostavljanju funkcionalnog bloka zračnog prostora centralne Evrope;
75. Konvencija o osnivanju Evropskog ureda za komunikacije (ECO), broj: 01,02;
76. Osmi dodatni protokol uz Ustav Svjetskog poštanskog saveza (UPU), usvojen u Ženevi 12.8.2008., i akti Svjetskog poštanskog saveza (UPU), usvojeni na 24. kongresu UPU-a, održanom u Ženevi, od 23.7. do 12.8.2008.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratificiranje, odnosno otkazivanje međunarodnog sporazuma.

3. Izvještaji institucija Bosne i Hercegovine

3.1. Izvještaji o radu

U 2012. godini na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Državne regulatorne komisije za električnu energiju u 2011. godini;
2. Izvještaj o radu i finansijski izvještaj Agencije za poštanski saobraćaj Bosne i Hercegovine za 2011. godinu;
3. Izvještaj o radu Upravnog odbora Izvozno-kreditne agencije Bosne i Hercegovine za 2011. godinu.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima.

3.2. Ostali izvještaji

Osim prethodnih izvještaja o radu institucija BiH, Komisija je razmatrala i druge izvještaje institucija o specifičnim pitanjima iz njihove nadležnosti:

1. Godišnji izvještaj o prometu strateških roba za 2008. godinu;
2. Godišnji izvještaj o prometu strateških roba za 2009. godinu;
3. Godišnji izvještaja o prometu strateških roba za 2010. godinu;
4. Izvještaj iz oblasti poljoprivrede za Bosnu i Hercegovinu za 2011. godinu.

Nakon rasprave u Komisiji, Domu naroda dostavljena su mišljenja o svim navedenim izvještajima s odgovarajućim prijedlozima zaključaka, kako bi ih razmatrao Dom naroda.

4. Imenovanja

U izvještajnom periodu Komisija je razmatrala i prijedloge za produženje mandata, kao i za imenovanje članova Upravnog odbora Javnog radiotelevizijskog servisa Bosne i Hercegovine:

1. Razmatranje produženja mandata članovima Upravnog odbora Javnog radiotelevizijskog servisa Bosne i Hercegovine kojima je istekao mandat;
2. Razmatranje rang-liste Regulatorne agencije za komunikacije za člana Upravnog odbora Javnog radiotelevizijskog servisa Bosne i Hercegovine iz bošnjačkog naroda;
3. Razmatranje rang-lista Regulatorne agencije za komunikacije za članove Upravnog odbora Javnog radiotelevizijskog servisa Bosne i Hercegovine iz srpskog i hrvatskog naroda.

5. Izvještaji i informacije Ministarstva vanjskih poslova BiH

S obzirom na svoju nadležnost i u oblasti vanjskih poslova, Komisija na svojim sjednicama redovno razmatra informacije i izvještaje koje Ministarstvo vanjskih poslova BiH dostavlja Parlamentarnoj skupštini BiH. U izvještajnom periodu Komisija je razmatrala ukupno 19 informacija i dopisa Ministarstva vanjskih poslova BiH. Sjednicama Komisije na kojima su razmatrane ove informacije prisustvovali su predstavnici Ministarstva vanjskih poslova BiH i dodatno ih obrazlagali, u zavisnosti od interesa članova Komisije. Sve informacije primljene su k znanju.

6. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrano je ukupno 26 izvještaja sa službenih putovanja parlamentarnih komisija i delegacija. Sve izvještaje Komisija je primila k znanju.

7. Ostali izvještaji i informacije

Osim izvještaja o radu, Komisija je, u okviru svoje nadležnosti, razmatrala i druge vrste informacija i dokumenata, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2011. godinu;
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2012. godinu;
3. Informacija o provođenju Strategije prelaska s analogne na digitalnu zemaljsku radiodifuziju u frekvencijskim opsezima 174-230 MHz i 470-862 MHz u Bosni i Hercegovini;
4. Analiza vanjskotrgovinske razmjene Bosne i Hercegovine za period januar-mart 2012. godine, akt Ministarstva vanjske trgovine i ekonomskih odnosa BiH;
5. Informacija Ministarstva vanjske trgovine i ekonomskih odnosa BiH o stanju i problemima u funkcioniranju Vanjskotrgovinske komore BiH;
6. Razmatranje inicijative Kolegija Doma naroda da oba doma Parlamentarne skupštine BiH provedu raspravu o vanjskopolitičkoj orijentaciji BiH (zaduženje Zajedničkog kolegija oba doma PSBiH);
7. Razmatranje inicijative Kolegija Doma naroda da „Predstavnički dom (oba doma Parlamentarne skupštine BiH) provede raspravu o stanju i djelovanju javnih medija u Bosni i Hercegovini“ (zaduženje Zajedničkog kolegija oba doma PSBiH).

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

8. Ostale aktivnosti Komisije

Osim redovnih sjednica Komisije, Komisija je u 2012. imala i drugih aktivnosti:

- Sastanak Komisije za vanjsku i trgovinsku politiku, carine saobraćaj i komunikacije Doma naroda s Komisijom za vanjske poslove Velike narodne skupštine Republike Turske, 27.2.2012., u zgradi Parlamentarne skupštine BiH;
- Sastanak članova Komisije za vanjsku i trgovinsku politiku, carine, saobraćaj i komunikacije Doma naroda s novoimenovanom ambasadoricom Bosne i Hercegovine u Kraljevini Španiji Jasnom Krivošić-Prpić, 17.3.2012., u zgradi Parlamentarne skupštine BiH;
- Konferencija „Ljudska prava i vanjska politika“, u organizaciji Komisije za politička pitanja i demokratiju PSVE-a i Komisije za ljudska prava Senata Italije, Torino, Italija, 13.12.2012., učestvovala Nermina Kapetanović, član Komisije.

III. ZAKLJUČAK

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2012. godini bio uspješan. Rad Komisije je u najvećoj mjeri zavisio od materijala koje je dostavilo Vijeće ministara BiH, odnosno Predsjedništvo BiH.

Svi materijali iz nadležnosti Komisije blagovremeno su razmatrani, a svi izvještaji, mišljenja i drugi akti blagovremeno su dostavljani predsjedavajućem, odnosno Kolegiju Doma naroda na daljnji postupak.

Prisustvo sjednicama bilo je na zadovoljavajućem nivou te nijedna sjednica nije otkazana ili odgođena zbog nedostatka kvoruma.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2012. godini maksimalno je nastojala doprinijeti uspješnom radu Doma naroda.

Predsjedavajući Komisije
za vanjsku i trgovinsku politiku
carine, saobraćaj i komunikacije

Hasan Bećirović

Prilog:

- *Tabelarni prikaz prisustva sjednicama*

**TABELARNI PRIKAZ DATUMA ODRŽAVANJA SJEDNICA
KOMISIJE ZA VANJSKU I TRGOVINSKU POLITIKU,
CARINE, SAOBRAĆAJ I KOMUNIKACIJE, S PRIKAZOM PRISUSTVA SJEDNICAMA
(za period od 1.1. do 31.12.2012.)**

		Hasan Bećirović	Stjepan Krešić	Staša Košarac	Nermina Kapetanović	Borjana Krišto	Ognjen Tadić	Ukupno
9. sjednica	31.1.	+	+	+	+	+	+	6
10. sjednica	29.2.	+	+	+	-	+	-	4
11. sjednica	4.4.	+	+	+	+	-	+	5
12. sjednica	14.5.	+	+	+	-	+	-	4
13. sjednica	21.6.	+	-	-	+	+	+	4
14. sjednica	17.7.	+	-	+	+	+	-	4
15. sjednica	19.7.	+	+	+	+	+	+	6
16. sjednica	19.10.	+	+	-	+	+	+	5
17. sjednica	15.11.	+	-	+	-	+	+	4
18. sjednica	3.12.	+	-	+	-	+	+	4
Ukupno		10/10	6/10	8/10	6/10	9/10	7/10	46/60
%		100	60	80	60	90	70	76,67